

四庫全書

集部

# 欽定四庫全書

集部

潞公文集卷四  
九

詳校官庶吉士臣范逢恩

檢討臣何思鈞 覆勘

覆校官中書臣呂雲棟

校對官中書臣鮑之鍾

謄錄監生臣錢萬卷

謄錄監生臣周牧

欽定四庫全書

潞公文集卷四

宋 文彥博 撰

律詩

某天聖四年叨充鄉賦明道二年夏假副車於

本郡今年夏忝外計於本道實嗣世職

前此三年先大

夫為河東轉運使

八月行部率遵故常鄉老懽迎邀留

累日徘徊舊地追惟疇曩因成拙詩二章題於

行署

金匱先生集卷四  
不才惟侍高門慶奕世皆為外計臣鄉老相逢頻教我  
盡忠思孝報君親

昔年鄉賦議興賢曾接諸君硯席間屈指歲華逾一紀  
錦衣懷綬過稽山

送益利路承受梁供奉回京

二星同入蜀三歲復還臺

供奉與同事羅侍禁同  
時到任及相繼美替

秋晚

華軒去江濱祖席開歸途雖日遠別酒任山顏恩渥迎  
知厚當朝重使才

雷簡夫自辰溪還除國子博士鹽鐵判官以書  
見謝并寄杜鵑鳥一雙偶成二章答

學省新聞用退之陽城司業定相知休思杜曲仙鄉隱  
好獻元和聖德詩三部共推鹽鐵論五溪曾制虎豹師  
濟源處士功成後始信書生善出奇

山人遠寄杜鵑禽因寄山禽遂寄心應謂不如歸去好  
高飛却入舊雲林

送中舍蒲君致政西歸

閨苑當年硯席同別來三十八秋風東朝新命西歸去  
珍重賢哉鶴髮翁

送分司少卿歸洪井二首

囊奏析分務綸恩寵亞卿揮金還故里脫屣謝浮榮綵  
服趨庭學彤襜解榻迎送言慙有味何以答希聲

來章  
有願

求裴令一  
篇詩之句

知止遺榮世所稀帆風美滿浩然歸江邊聞有梅真宅  
吟對西山不掩扉

送知府給事赴闕

紉如驚曉鼓山旆戒晨欣萬臂攀朱轂千兵擁綠滕歸  
途非杳貌高步即嚴凝竹馬光前迹蒲鞭掩舊稱睿襟  
恩啓沃宸宸佇疑丞輿論方盈耳僉謀盡伏膺公乎調  
大鼎皇矣賚良肱屬吏垂二異微才僅五能梁園暫未  
至燕館愧先登北海難充薦西曹久見矜頑金雖自況  
巧冶欲誰憑深結君軒戀羈思附驥蠅

和太師相公重九日燕府僚之什

不獨龍山勝致全黃樞開讌盡時賢風回綺席鸞觴泛  
日上彤襜虎幄鮮陶菊香濃侵玳押吳歛聲緩倚鷗絃  
雲牋一幅西園什如聽鈞韶下九天

小園即事

閑脫蕉衫挂樹樞竹冠芒屨自耘瓜心形散傲如園吏  
裨榼縱橫似酒家古檣婆婆張碧蓋流泉詰屈動青蛇  
風清日落未歸舍待得東南見月華

宮保相公

杜

以某於具之後與有勞焉及聞非



才忝爰立之命貽詩加獎有晉公親討衛國專  
謀之句稱述太過擬議非倫輒成拙惡一章以  
達謝意

平淮伐潞皆殊績靖亂夷凶著往編今以薄才叨重任  
敢將微効覲前賢人慚肖象求商野德謝非熊起渭川  
惟有安昌念高第雅章稱述愛彭宣

題高平公

范文正

親書伯夷頌卷後

范自青州書寄許下

書從北海寄西豪開卷纔窺竦髮毛范墨韓文傳不朽

首陽風節轉孤高

春日湖上偶作二首

地勝當春早身閑愛景幽  
微風吹積水盡日颺虛舟  
客至解懸榻魚來避直鉤  
機心本不動猶恐駭群鷗

岸幘長吟坐釣機  
花香漠漠柳依依  
夕陽湖面光如鏡  
風送虛舟自在歸

謝太傅相公

杜

以近詩三十首寄示

一軸詩三十詞高氣格雄  
文通推雜體古甫讓清風  
平

日丹青筆當年造化工安車有餘力移向二南中

湖上獨酌

盡日觀魚坐水邊悠然獨酌望青山  
樽前解下淵明帽  
起就東溪濯臙顏

外計蘇度支示古銅器形製甚雅輒書五十六  
字還之

古鼎良金齊法精未知何代勒功名更須梓匠為鳧杓  
堪與仙翁作酒鎗

南史有餘  
景山酒鎗

滌濯尚應勞獷鼻腥羶不

復染羊羹水邊林下風清處長伴薰然醉玉傾

雨中湖上緋桃盛開舟子維纜於樹因書二十

八言

灼灼穠華照碧流素烟絲雨助妖柔武陵不放劉郎去  
更就桃根繫小舟

得告赴洛辰省松楸往還寓宿於陽翟程密學  
新第因成四十言寄高陽

公臨趙北際

續漢志云  
屬河間

宅據許西偏來往由通德逢迎

阻見賢嵩高當牖外穎樹出牆顛信宿依華廕身居賀

燕前

時雖春分  
乙鳥未至

提刑司封垂訪郡齋會於湖上道舊為樂兼貺  
雅章輒成四十言以答來惠

昔忝西州牧驅車經劍門見君新鑿沼延我共開樽治  
岸依山麓疏泉透樹根鴨湖今日會往事喜重論

予移守青社同年宋學士代予守壁田會有來  
詩因成四十言為答

舊許陪原郡時清偃息遊羨君熊軾去奪我鴨坡游草  
樹秋芳密禽魚晚思幽相憑皆與問猶憶醉翁不許昌

務閑多適湖上  
吟醉月三四馬

答南都致政太傅相公

雪苑揮毫寄雪宮丘門褒寵過華虫希聲遠奪霜鐘韵  
妙墨高踰襖帖工辱顧頗慙才陋薄玩辭彌見意勤隆  
西南跂望安昌館何日陪隨似載崇

偶題看山樓新畫水山

盡日望西山扶筇復倚欄遠觀猶未足更作畫圖看

太原府統平殿朝拜

逆壘彌天甚君王駐翠鑾荆榛親剪伐家業信艱難一

劍山河定千年廟社安故城禾黍美無復驗泥丸

太祖朝

兵至城下城中作土九擲空中卜之外雖破裏頭完則城尚可保平安太宗朝天兵再至復為此卜而一擲內城外俱碎而城遂下

寄太原韓太尉

時建忠武節尹京兆韓以武康節尹太原

某近叨恩命避讓勿容伏思天聖丁卯稚圭高

中殊等坐忝附驥歲月如瞬倏焉二紀稚圭以  
文武兼資中外重望擁旄仗鉞臨鎮方面老生  
無狀輒又繼之其幸多矣偶成小詩寄呈

舊說男兒本分官更將詩句報長安虛庸自省尤非據  
深玷君家漢上壇

和梅公儀待制詩二章

登驪山見連理木

長生私語都無益芳樹交柯自表奇就使玉真如素願



山陰拱木竟何知

宿西谿寺

地占蓮峯麓谿環鷺嶺巔密林含細籟魏剎照清漣獨  
賞寧妨醉幽吟定廢眠支郎諳雅尚掃榻就潺湲

公儀天章書示暫往藍田兼閱山水以荅來貺  
暫枉觀風旆從容賞物華藍山青有玉輞水碧無沙林  
靜聞啼狖川長見落霞宜尋幽徑處竹里到南垞

和公儀天章雪中遊藍田山悟真寺

古寺依山構高車冒雪遊穿林皆玉樹倚檻盡瓊樓景  
勝煩詩筆財豐緩計籌巖阿聊寄傲物外恣尋幽韁鎖  
慚羈繫匏瓜歎滯留無因陪雅躅清唱復難酬

寄青州田龍圖

某伏蒙龍圖諫議以頃守青社多居山齋復以  
某手植薜荔麻黃頗甚滋茂因有虛獎謂之甘  
棠輒成拙詩一章仰答來貺

東秦假手裁經歲偃息山齋興味長怪石罅中裁薜荔

於當軒怪石脚  
裁者尤滋茂

碧梧陰裏種麻黃

種於兩桐樹之下  
蒼翠可愛

吟牽

翠蔓秋烟潤醉擷纖英曉露涼  
內省非才寡遺愛爭教  
所憇似甘棠

雨後游華嚴川馬上作

雨後城南路無泥未有塵  
因觀曲江樹更憶杏園春  
草色遙侵水山光翠逼人  
幼農兼訪古擊轡緩朱輪

題中山郎中華嚴川墅

城南風物勝最勝是華嚴  
謝墅偏幽寂顏郎此退潛  
流

泉清遶砌列岫翠當筵更愛村橋畔楊花撲酒帘

謝公儀待制惠黃石桃

梅摯時為陝西都運

得時應在穀城山蒸栗溫娑照席間助我漱流高卧意  
曲肱從此不睎顏

和公儀隱廳書事

跡貴雖軒冕心閑似隱淪林間新葺宇公退此頤神  
蘇色青緣砌池光碧照人愛君高雅趣琴酒屢相親  
廳在池南

景物幽邃予屢接公儀賜咏于此

月夕挈新釀并文石酒罇就公儀南湖雅飲  
桃花石器榴花釀携就南湖訪飲朋雅論清吟涼月滿  
山翁不惜醉騰騰

次歆和公儀月夕游南湖

涼夜南湖飲林端月上初樽壘既古雅亭榭復清虛靜  
賞興無盡劇談歡有餘羣騶不解事應厭久停車

和公儀咏蒲葵扇

不取歸資厚仁風藉爾揚論財雖儉薄應用極清涼六

角價非重九華名未光傾心既已久安石勿相忘

和登飛橋觀游艇

為愛橋樓月色多飛觴捉麈對吟哦輕舸一葉時來往  
驚散雙鴛動碧荷

和公儀重到隱廳偶書絕句

重訪隱齋留雅咏將歸禁署促東轅曉猿夜鶴君家物  
不戀南湖只戀軒

和公儀湖上烹蒙頂新茶作

蒙頂露芽春味美湖頭月館夜吟清  
煩醒滌盡冲襟爽  
整適蕭然物外情

與公儀會飲南湖作

公儀翌日當赴

湖上高樓對遠山一樽清醕且開顏  
今宵尚作林塘主  
明日將歸侍從班  
心向白雲雖自樂  
身趨丹禁未容閑  
為君不惜厭厭醉  
賞盡銀蟾秉燭還

和公儀遊太華

山水清音步步隨  
謝家歌舞豈須携  
深遊霧市身應潤

直上蓮峰路不迷細草舒茵承蠟屐長松傾蓋護雲梯  
岩隈靈藥皆堪采未得盈箱亦自提

見山樓小飲偶作

雲淡天迷楚樓高地占秦哀箏一行雁小字數鉤銀卷  
陌三條月池塘十步春府門初夜閉多少夜遊人

寄致政太師相公

杜四首

向作是詩且欲因物將意竟以詞語鄙拙  
不敢寄呈使人之還承賜手教副以佳章



稱是四物加有獎飾故追錄四詩聊備一噓  
云爾

叩竹杖

孤筠勁質異纖柔欲假携持助勝遊不為凌霜高節在  
對公靈壽合包羞

蜀牋

素牋明潤如溫玉新樣翻傳號冷金遠寄南都豈無意  
緣公揮翰似山陰

華陽巾

俗謂之  
隱士帽

華陽山相遺巾法蜀國烏紗學製成公厭貂裘今已久  
定知野服稱高情

蒙頂茶

舊譜最稱蒙頂味露芽雲液勝醍醐公家藥籠雖多品  
略采甘滋助道腴

近以蜀物寄獻復以雅章為報輒課蕪音仰酬

來貺

荅杜  
相

微物達誠方愧極雅章流惠見情深野夫自是甘芹味  
國老何嘗靳玉音伸紙恣窺藍肆寶發函頻作洛生吟  
辭清墨妙真雙絕韞匱傳家勵子孫

每得公手筆即令子弟輩聯綴裝演

藏為家寶

天平相公遠寄佳章謹依韻和呈

龐相時守鄆

曉闕天閣出帝綸麾幢誤委不才臣六條頒詔專臨雍  
一道全師別制秦雖授深恩辭北闕擬將何術撫西人  
他年遂解簪纓去乞去伊川號散民

昔年公掌秦中漕虎節尋提四鎮師從此功成為漢相  
至今闕內仰蕭規新詩遠寄音盈耳累牘頻窺喜見眉  
更問春遊何處好夾城西面景龍池

次韻答平涼龍圖王諫議

素

凜然威望警西戎十萬貔貅節制中從古藩垣謀帥重  
于今詩禮得才雄勒歸定是推優賞靜勝由來保上功  
不獨韋平稱世美緇衣兼咏武桓公

來詩云偶因宴帖  
都無事空使淹留

不見功  
之句

答王龍圖遊山見寄

素

分得魚符守雍州，垂帷閉閣再經秋。  
眼看巖岫將登覽，身似匏瓜苦滯留。  
杜曲朱坡雖已到，圭峯紫閣未曾遊。  
却輸假道歸朝客，上遍終南寺寺樓。

題紀太尉廟

死節古來雖有矣，大都死節少如公。  
惟圖救主重圍內，不憚焚身烈焰中。  
龍準有因方脫禍，猴冠無計復爭雄。  
如何置酒咸陽會，只說蕭何第一功。

過滎陽王像院

瑞相雙刊玉仁祠側布金輪蹄一道過風雨二山嶽密  
蘚蒼綠壁喬松秀出林村僧不可語難問祖師心

過汜水關

濟世安民主擒充執竇歸山川遺氣像史冊動光輝原  
廟今昭德群雄昔畏威虎牢名自久牛口諺應非關塞  
俾天險封疆介日圍特吟摩詰句度水柳依依

某伏蒙昭文相公

富以某方忝瀝洛之寄因有

嵩少之行惠賜遊山器一副質輕而制雅外華  
而中堅匪惟便于齋持實為林下之珍玩也輒  
成拙詩一章報謝

上公遺我遊嵩具匝盥杯盂色色全拂拭便須延隱逸  
潔清邽敢汚腥羶行齋每度雲巖側器使當居蠟屐前  
林叟谿翁皆竊玩山厨因此識加邁

器悉以竹編而髹  
其中輕堅精巧絕

倫

答青州相公二首

來詩一慶予  
守洛一序舊龐相

非才久玷鈞衡重，乞得麟符守洛師。  
聖造如天從素欲，愚衷何地報鴻慈。  
先塋松檟躬時省，私廟蘋蘩潔仲祠。  
相國情深最知我，郵筒千里賦新詩。

雅章追念栢臺遊，屈指今逾二十秋。  
初奉南牀持大憲，後陪東閣告嘉猷。  
心如金石同謀國，路出風波免覆舟。  
聞欲堅隨赤松去，擬攜靈壽從留侯。

梅公儀見寄華亭鶴一隻

子真仙裔富高情，遠寄仙禽至洛城。  
昔向華亭常警露，



今來緱嶺伴吹笙，稻梁猶憶嘉禾美。竹樹應憐履道清。

樂天池上篇云  
有華亭鶴二

已遣吾家伊水墅，旋營莎薦似咸京。

公儀

在雍公署種莎謂  
之鶴薦，繼有詩詠。

### 游平泉作

一崦抱溪斜，前朝輔相家。遺基皆瓦礫，古木尚烟霞。  
夙昔東山墅，留連上殿車。雖云營退隱，未免逐豪誇。  
事往如飛鳥，林空噪暮鴉。池平無舊鳳，堤壞有殘沙。  
野叟猶能說樵夫，亦共嗟。至今巖石下，多長紫微花。

平泉花木  
無子遺然

巖谷間猶多紫微  
花是其遺種乎

又讀平泉花木記

歷覽平泉記文饒性苦奢如何伊上墅多是日南花當時

文士咏平泉有日南  
太守獻名花之譏

美蔭皆奇樹清芬悉異葩安知桃

李盛不及晉公家

竹樹環青嶂樓臺生碧烟珍奇窮四海景象冠三川上

黨夷出日太和歸國年此時能勇退應遂老平泉

吾觀李太尉所失在夸權名遂不知退膏明惟自煎終

身戀華組何日到平泉徒有思歸意歌詩盈百篇

潞公文集卷四

欽定四庫全書

潞公文集卷五

宋 文彥博 撰

律詩

游盧溪

記云盧携舊居

一徑極幽深，清泉響竹陰。昔人曾隱霧，襄世偶為霖。謀  
國無長策，論兵肆褊心。王師遂不振，物議愈難任。仰藥  
身雖殞，攻闕盜轉侵。傳家絕諸貌，携之諸子尋亦死於寇亂遺愛變  
雙林。僧朴俱難問，碑昏尚可尋。徘徊念陳迹，不為歎人

禽

寒食日早發赴積慶莊拜掃過龍門馬上作

赫奕晨霞照萬燈路穿關口勢如吞橋邊楊柳垂青線  
林下鞦韆掛綵繩平地伊流光一抹半天嵩嶽翠千層  
行行漸入吾疆理竹塢松阡間綺塍

秋日登關塞

鞦掌公庭暇登臨關塞秋清談不廢務遠望略消憂二  
室檻前見長伊天際流僧歸下樵徑客去上漁舟返照

明金剎飛泉響石樓放懷真趣得縱目滯情休像列三  
龕密波翻八節稠悵然高世意不減冶城遊

游潛溪

修竹蔭清溪潺湲闕塞西石床平有蘚沙路潤無泥粉

白松圍古

有古松皮綠而粉生本草艾  
納香真廟愛之駐蹕良久

藍生草帶薺難

留批勅字救旱作雲霓

李藩少時  
隱居溪上

登廣化閣

寶剎層峯上危欄淨界中登臨近霄漢子細見伊嵩谷

迥傳清楚川長沒遠鴻  
黃昏不忍去月在石樓東

宿少林寺

六六仙峯繞靜居俗塵至此暫消除  
西來未悟禪師意

北去還馳使者車

予方被命  
移守北都

五品封槐今尚在九年面

壁昔何如心知一宿猶難覺  
花藏重尋貝葉書

遊金星觀

鶴髮龐眉二老仙林間老屋十餘間  
齋糧不畜惟栽菊  
道眼長明祇看山朋侶過從應綺角  
比隣掩映是嵩轅



整游自愧塵勞跡，鮮恰臨溪濯膩顏。

游嶽寺

寺占嵩顏景最多，奇峯列剎共嵯峨。  
依巖竇砌龍清礎，出谷飛泉逗素波。  
下瞰長川窮渺邈，傍觀列岫極陂陀。  
緇林法藥堪隨喜，鐘磬聲清唄梵和。

過潁陽山墅作

平生箕穎志，未免困名韁。  
潁此營山墅，頻年至潁陽。  
相隣紫雲洞，不羨白蓮莊。  
却愧耕夫問，歸軒作底忙。

大名府舍創作茅齋因題八句呈太師相公宋

太保相公

龐公

勿謂茅茨陋棲心即有餘非同諸葛卧頗類靜名居面  
壁思禪理向陽觀道書迴頭視華屋韁鎖宿蘧廬

留守端明尚書

王君  
貺

遠示贈闍黎漸師詩依韵

和成

常隨淨侶叫禪關熟聽潮音丈室間身逐孤雲辭隴首

心如皎月照香山儒空雨悟言無滯

漸師自儒  
入於釋

覺望雙

除性本閑居守意勤當應現不須祇到虎溪還

僕射侍中賈榮過渙上小園兼題嘉句謹成五

十六言仰謝賁飾

上相尋芳駐畫輪  
華貂玉節耀松筠  
二南雅麗音盈耳  
八體遒研妙入神  
魯壁再傳科斗字  
稽山長詠永和春  
小園從此增光價  
一室熒煌照藥珍

小園池上偶作

微吟岸幘思悠然  
近對方塘遠見山  
思與洛陽均逸地

莫言此地是偷閑

詩寄龍門寶應寺證大師

求改劉几秘監  
庵作潞公菴

山人去作山西將岫幌巖扉掩翠嵐  
欲問證師求正住  
憑師改作潞公菴

依韵和荅文裕羣牧侍郎

張

華軒過陋巷良讌集西園  
雅飲金罍耻高吟墨客喧  
初晴水色靜  
早夜木陰繁  
酷愛君揮麈  
清言有會元

晝寢夢歸洛宅

位高才薄困疲癯竹影泉聲夢寐中  
定去洛城為逸客  
近來書翰學楊風

汝州端明

仲儀

寄示竹亭詩二十章披玩歎賞不

已輒成四十言仰答來意

薜蘿竹間路清虛池上亭  
高情愛寂寂終日玩青青  
汝水環近郭箕山開畫屏  
知君於此興極目送鴻冥

中書宿齋偶作二首

齋潔奉祠事深嚴宿禁局  
露盤雲表見鈞奏夢中聽  
慎

獨度君命清心重禮經  
顧慙温室樹忽此集鵲螟  
鳳閣容棲集心無外慮  
侵夜涼秋氣早人靜禁門深  
大政慚無補微才恐不任  
歌眠聽宮漏蘭焰照青衾

太廟宿齋作

孟秋嚴廟享公衮攝祠官  
達嚮來風迫方諸遡月寒  
剪茅重屋峻聚甍繞墻寬

始為磚墻

仰念靈臺厚恭思王業難

寄題龍門臨伊堂兼呈奉先寺興公

山僧知我思歸意為我臨伊  
創草堂聞說繞階叢巨石

更須當檻植脩篁  
窻間東望乾元剝門外南趨積慶莊  
便擬半移生計去不知何似暢師房

東樞後軒列植花草隨時競秀種類實繁滋蔓  
因依未易圖也然昔之造化者為不少矣故錄  
其名數勝於北垣意欲後之人勿剪勿伐且無忘  
於封植也因觀其榜偶作小詩三章曰朝日解  
曰斷云

嘲

百種閑花草皆非藥籠材如何桃與李曾不與栽培

解

勿謂閑花草生成各有宜君看桃與李未是歲寒姿

斷

天地育萬物物遂其生何須強分別不若兩忘情

九月十日西園會范內翰李紫微已下諸公惠

雅章謹成拙詩仰荅來意

今日西園集聯羣蜀國英為君聊置醴念我昔專城屢



句皆新意高談多故情報章雖拙陋所應在同聲

端明尚書

仲儀

內翰侍郎

景仁

龍圖侍郎

文裕

垂訪獎居會於西園兼蒙賦詩賁歸輒成四十

字奉呈

重陽節始過佳菊色猶新東籬把酒客西園飛蓋賓共  
此林下宴可類商顏人清罇幸未燥無所獻酬頻

和副樞吳諫議上元夜從駕至集禧觀

順時同樂慰邦民協氣和風應早春斗運帝車遵大路

雲從天步絕纖塵民瞻玉色欣遊豫岳峙琳宮望省巡  
日御端闈張錦飲蘭燈桂魄耀星津

和致政侍郎

張文裕

二府詩

潭潭相府方高啓岌岌樞闈亦對開  
綦布司存隣象闕星分位表拱天臺  
樂成善頌傳嘉句處命叨居媿薄才  
仰認聖皇優待意先時曾枉翠華來

送祕書劉監歸嵩陽隱居

昔年寶應茅齋主別後災涼已屢經  
暫入城來緣買藥

却騎牛去似飄萍  
緱山重訪吹笙伴  
祕省長虛畫鶴廳  
一任洛陽人白眼  
且看三十六峯青

四明疇昔稱狂客  
二室於今號散仙  
予晉料登緱嶺望  
待君笙鶴共昇天

天蓮曉律好音山中  
時跨牛故皆反之

和副樞吳諫議寄題廣化寺東軒

淨居高山四禪天  
更對伊嵩開廣軒  
塔聳千花依鷲嶺  
舟浮一葉上龍門  
雲藏古木當危檻  
風遞疎鐘過遠村  
我有草堂南澗口

即臨伊堂

一回西望一銷魂

伏覩致政太傅侍中

曾魯公

荅樞密諫議

吳留

題齋閣詩依韵和呈

三朝光輔仰耆年  
謝政歸來作散仙  
築室尚依雙鳳闕  
放懷何必五湖船  
清談傾座簪纓盛  
綵服趨庭子舍賢  
公伴赤松應念我  
早教西去老伊川

華顛相顧最相親  
同是三朝二府人  
曾忝政堂陪大論  
又叨樞筦繼清塵  
我慙蒲柳衰殘質  
公稱夔龍強健身  
把酒觀言意戀德  
春暉不覺漸西淪

雪中樞密蔡諫議借示范寬雪景圖

梁園深雪裏更看范寬山迥出關荆上如游嵩少間雪

愁萬木老漁罷一簑還此景堪延客擁爐傾小蠻

白樂天云

酒榼也

和副樞蔡諫議植山芋

平臺山芋傳區種久餌能令玉壽延欲長深根培客土

便期珍味薦賓筵吳萸頃覺名稱減楚芰須慚嗜好偏

況是丹頭推絕品百金供費亦宜然

竊知今日於家園種山芋輒成拙詩奉呈副樞

諫議

吳

聞說家園樂仍携山芋來何煩心助長

西廳所云田而善謔

惟喜

手親栽若務豐根本應須雜草萊迎知冬薦味決不減  
平臺

和副樞蔡諫議贈副樞吳諫議謝惠新定雜花  
之什

百卉千花淑景新主人吟嘯惜芳辰依依綠減隋堤色

灼灼紅移洛浦春已愛清香飄宴席更分穠艷與交親  
鄒陽本是梁園客醉賞猶思澠水濱

新釀醪酒送吳蔡二副樞

此花猶未發此酒已先香獨有甘芹意開罇略為嘗

知副樞蔡諫議孟夏旦日石府書事

杲日無虧彰睿聖前星有慶耀東朝皇明燭遠群羗服  
火德乘時衆慝消丹宸焦勞猶損膳華顛尺素合歸樵  
夔牙共奏康哉闕雅詠和聲徹九宵

去春蒙西都致政李少師

東之

惠詩五首叙舊

遊因而招隱某尚羈樞務請退未諧深味來章  
未知所答遷延宿留遂涉歲時今蒙聖慈俯從  
人欲聽解重柄均逸便藩仰西河之上遊瞻仁  
宅之實適即當胥會彌積欣怡輒成小詩三章  
代書見意且荅去春之賜

新詩五首緣招隱未得西歸未敢酬今許均勞解樞柄

期君同伴赤松遊

朱詩云莫教  
獨欠赤松遊



伊西古寺茅菴靜不到今經八九春巖谷定知雲水冷

宮師常作獨游人

詩有下客拋  
官獨自回句

斗數緇塵捋白髭緘書先去問宮師仙舟東下能相訪  
同上平嵩把酒卮

過魯太師廟作

墨綬前朝宰桑郊鄭圃東叢祠臨大道遺烈凜清風顧  
我才尤薄與君時不同歷官無一異得位亦三公屑屑  
刑名內區區薄領中循良誰復道貪刻自為功哲后方

勤治愚臣合盡忠承流奉寬大宣澤務龐鴻此意緣思  
古何人為發蒙神交儻來鑒潛願啓其衷

再到積慶墳莊即事偶成

不到伊川八九年重來風物盡依然驚回俗夢鳴皋鶴  
洗淨塵襟漱玉泉綠篠侵階當蕙帳蒼霞滿目對松阡  
天憐老懶優深處罷聽晨鷄徹曉眠

郊園乍適疎慵意勉強逢迎已不能赤米白鹽充野饌  
蕉衫芒屨見山僧舍風古木遮簷角漱玉清泉瀉石稜

田父相過復相勸早歸林下醉騰騰

東溪泛舟

東溪伊水東溪水碧溶溶兩漿夷猶去雙鳧上下逢餘  
波通洛浦倒影浸高峯荷動聞魚躍沙平見鶴蹤島蒲  
森劍戟岸柳亞虬龍並載惟禪客隨觀有牧童風傳櫂  
謳遠露濕釣蓑濃不是迷津處何煩問老農

遊楚諫議園宅呈留守宣徽留臺端明

王君貺  
司馬君

實

五里依仁宅西隣數仞墻主人為屏翰

楚今師環慶

園吏占

風光地勝金甌小林深錦襍長輕煙罩叢桂幽鳥入修

篁蘚色沿茶竈松陰覆石牀一區誠可樂三徑莫令荒

有木皆交蔭無花不並芳相期掛冠後同此事琴觴

建楚

中正議宅俗呼為錦纏襍

遊史館張大卿致政李少卿史館傅兵部濟上

郊園

張靖

李章

傅克俞時判河陽祈雪

濟源廟作

疇昔常聞處士莊林泉勝景甲山陽一渠寒水流清濟  
千仞濃嵐聳太行枋口雲歸穿古木燕川風過入修篁  
前賢舊業何人繼分與三賢作醉鄉

題龍潭寺

古寺依青嶂高軒俯碧潭山僧如有待先掃侍中菴

夏英

公之  
庵

謁濟祠作

導闕靈源祀典尊湛然凝碧浸雲根遠溯滄海殊無礙

橫貫洪河自不渾一派平流滋稼穡四時精享薦蘋繁  
未嘗輕作風濤險惟有涵濡及物恩

登平崧閣右崧亭作

不較平崧與右崧大都亭閣盡穹崇太行太室當前後  
俱是家山入望中

遊碧蓮堂偶作寄致政司空相公

富

聊布所懷

公以心如水平開軒俯碧蓮嘗虛濟川楫却就釣璜淵北  
倚平崧閣南臨種黍田緣經治城望到此即懷賢

詩寄相州韓魏公侍中

並序時判河陽韓判相州並為節使司徒侍中

某頃陪高躅常議攸居營水竹之清虛較相洛之優劣莫如韓樂宛在鄴中近緣幕客之來頗說府朝之盛陪後車而弗及隨飛蓋以無由追惟緒言形於善譔輒成拙詩一章

鼎邑從來事足誇水臺近歲景尤嘉天平峯秀堪圖盡畫錦堂高可宴衙新表門間道德里舊栽桃李相君家仍聞降志相希慕林下時乘洛樣車

公前鎮安陽蒙示諭依洛樣作安車

詩寄西都致政司空相公富

燕居堂北之隙地有紅藜十數本堅直可愛復  
以其託根善地遂成美材因躬自削治以為杖  
輒敢分寄一枝侑公之靈壽物甚微陋而亮其  
意可也

燕居堂北虛閒地藜藿森森欲柱天中有紅藜最翹秀  
削成鳩杖佐衰年初同野叟甘芹味

始至孟冬  
葉尚可茹

終學狂

翁掛酒錢分寄一枝公必訝提携不稱葛陂仙



詩寄荅致政司空相公

富

某蒙寄示二圖小花三十詠捧卷伏讀研味不  
已真二南之風興也輒成拙詩仰酌來貺

衆卉群芳品目奇遍形歌詠殆無遺名過衛國平泉記  
數協江淹雜體詩蘓頌祇誇長樂賦元與惟詫牡丹詞  
此一色洛人久貴以  
公無情於發揚也 豈知哲匠風騷美不間鴻纖盡物

宜

知郡傅學士將赴彭門蒙貺佳什次韵奉荅

史局郎曹得俊賢稔聞高譽已多年山陽松菊拋三徑  
泗水衣冠戴二天合作商霖光祖構猶持漢節滯英躔  
河梁欲上難輕別亦望遲遲駐曲旃

致政仲損張工部詢及孟醞之味因寄數器副

以小詩

宗益

醞綠如渾味似飴

沁園之名醞也

朝回何必典春衣序賓留飲

觴無筭連父供甘豔更肥不惜郢筒令遠寄惟憂違豕  
得深譏小家麴藥君諳在莫使邯鄲枉見圖



潞公文集卷五

欽定四庫全書

潞公文集卷六

宋 文彥博 撰

律詩

西都留守宣徽王

祈謝嵩祠往還樊庄因成雅

章為貺謹次嚴韵

時判河陽

臘雪應祈沾下土  
府公遵命祀中天  
定陪仙馭經緱嶺  
應訪禪林過玉泉  
和氣隨風生二室  
歡謠繼日滿三川  
悠悠大旆纍纍印  
却愛蘇家負郭田

若比揚雄多一廛僅同徐勉葺東田溝塍萬畝言之過  
却恐增添助役錢

前朔憲孔嗣宗太博過孟云近於洛下結窮九  
老會凡職事稍重生事稍豐者不得與焉其宴  
集之式率稱其名其事誠可嘉尚其語多資盟  
噉因作小詩以紀之亦以見河南士人有名教  
之樂簡貪薄之風輒錄呈留守宣徽聊資解頤  
洛城冠蓋數名教任是清貧節轉高見說近添窮九老

治中舊有九老之會三并此四矣  
從初便不要山濤

謝留守王宣徽寄花

遠惠奇花自洛城  
吟觀醉賞動鄉情  
開編讀到安仁傳  
方信河陽浪得名

再和

惟有陳園接府城  
池塘花竹可娛情  
雖然不及芙蓉萼  
猶得河橋史館名

孟人謂陳園為河陽史館  
園故公有赤土之戲耳

詩謝留守王宣徽遠惠牡丹

姚黃左紫狀元紅打剥栽培久用功采折乍經微雨後  
絨封仍在小奩中勤勤賞玩傾蘭醕漠漠馨香逐蕙風  
猶恐花心懷舊土戴時頻與望青嵩

熙寧癸丑季冬十月三日某被

旨謝雪於濟祠已事與祕書監劉几光祿卿直  
史館張靖太常少卿馮章李潔已屯田郎中陳  
安期祕書丞張端同遊枋口泛舟沁水至峴石  
而登岸歷觀巖谷間前賢之題名翌日游化成



寺以車渡沁回入盤谷窮覽山水之佳處由燕  
川而歸

枋口作

下馬入枋口漾舟緣碧溪雪消山骨瘦風定浪頭低數  
里復登岸群賢俱杖藜徘徊巖石畔尋覓退之題

化成寺作

唐裴相之山  
墅捨為寺

昔覽傳心法知公素學禪今遊化成寺使我復思賢大  
捨傾高產多生結勝緣人琴雖已矣松菊尚依然寶地

侵蒼蘚巍峯柱碧天撮衣書久失

裴相撮衣書寺額今失之矣

礬石

像猶存

殿有小石像製作甚工其下刻云天寶十三載造

境寂遺塵慮僧閑足

晝眠欲歸情戀戀緩轡出燕川

過燕川渡

早過燕川渡千峯插太虛雲開微見日水淺不漸車

時造

車為梁而過

風急樵歌響霜嚴木葉疎緣溪東北去巖腹有

精廬

即化城寺

盤谷作

昔有幽棲士茲焉遂考盤驚眠澗泉響醒酒谷風寒列

岫開窻見冥鴻倚杖觀韓文傳已久合在翠巖刊

舊有石記

今已失之

愿也乖真隱韓文旨趣深本非逃富貴豈是愛雲林已  
失豪華望方萌退縮心歸來老窮谷村叟共浮沉

自濟源回及中道得通守郎中詩跋羨山水之

遊以不得陪從為恨因以詩答之

通判李師錫

奉祀靈源臘雪餘薄寒風景似春初因尋山下遊三日

惟恨罇前欠貳車南望思君回五馬北來遺我得雙魚  
新詩兩首連成貴百斛驪珠價不如

司空相公特貺雅章俯光陋跡依韻和呈以荅

厚意

富

一代勲賢孰擬倫惟公爵德齒俱尊顧慚參魯解樞筦  
輒繼蕭規偃輔藩每到碧漣思召叅時傾綠醕憶曹樽

平嵩極目西南望仁里高閣近鼎門

富公宅直  
定鼎門

初泛舟新池觀子弟輩作詩因為此示之

舊池疏引透新池轉覺澄  
瀾勢渺瀾得志魚蝦爭跳躍  
無根萍梗任推移船頭欲過  
衝橋脚柳眼初開映水湄  
借問阿連春草句何人先把  
紫毫描

將赴大名奉寄西都留守王宣徽

驟易銅臺守脂車冒蘊隆  
北行如拾魯南望倚平嵩  
畏日臨傾藿驚飈走斷蓬  
伊流舊新友應亦念衰翁

春旱既甚禱祈未應小園即事

渴望甘膏蘇旱歲日趨祠廟  
罄虔祈春風也解相欺罔

鼓扇楊花學雪飛

寄相州侍中韓魏公

時留守北京

向在三城退公多暇日玩法書名畫以為娛樂  
內韓晉公村田歌舞圖及顏魯公跋尾雖得蒲  
中摹本其實頗類真蹟今再來大名屋壁間觀  
公之書正與顏類覲得公之數字跋尾以光前  
蹟是所願也非敢望也兼成小詩藉以干澤

晉公名畫魯公書高出張吳與柳虞

注畫記以張吳為正經

幸得

魏公揮寶墨緣公楷法亦顏徒

題韓晉公村田歌舞圖後

治世舒長日田家事力蘇干戈久不識簫鼓共為娛  
酒行無筭酡顏倒更扶將求太平象此是太平圖

題輞川圖後

吾家伊上塢亦自有椒園漠漠清香遠離離丹實繁  
盈  
檐常要采折柳不須藩每看輞川畫起予商可言

即事偶書

世道逢消長人情狗愛憎  
光華如石火明滅似風燈  
巢幙堪憂燕垂天不羨鵬  
危心戒行險視履益兢兢

昨夜飲散未眠偶成拙頌  
錄呈武功寺丞若猶未弃  
無惜開示

以幻能際幻居塵不染塵  
略於歌舞地聊現宰官身  
有法猶為滯無心乃是真  
還將所得趣試問悟空人

再答

說幻緣知幻言塵為覺塵  
覺知今亦遣塵幻豈關身  
獨



體方無對雙修未是真因君祇夜頌自愧小乘人

提舉劉司封訪別將赴滄陽輒成五十六言

劉沆

乞領琳宮作散仙雲情鶴態任天然榮驅軒馭歸仁里  
懇拜封章解計權尺璧時光須愛惜寸金鄉土且留連  
銅臺事事君誇詫莫望西山繫着鞭

偶成小詩贈提舉劉司封

向上應無快活人斯言未敢便當仁留君且住非他意  
好作熙寧第八春

家園醑醑自京寄至奉送提舉劉司封

小圃醑醑爛熳開盈箱采得寄銅臺當花對酒熏然意  
似到清香洞裏來

提舉劉司封監牧張職方詠醑醑詩皆以微文  
形於善謔輒成累句聊用解紛

蠻牋往復寫瓊瑰皆是論都作賦才花本無情亦無語  
清香自到鄴城來

已折素華迷雪苑更將瓊艷照冰臺劉郎曾入仙源路

又到唐昌觀裏來

招仲通司封府園避暑

騎山樓下水軒東一室初開待白公

白云奇章欲於南溪上別葺一室與

白傳止宿故詩云終恐不如南澗上別開一室待閑人

雖是不如南澗土都緣却

有北窻風銜杯避暑稱河朔飛蓋延賓在鄴中解榻况

逢徐孺子饋漿加飯與君同

卒章戲之耳

金宿樓望月呈仲通司封

是夕與賓佐會飲後園

滿滿十分酒高高百尺樓於茲賞圓月况乃值中秋天

宇浩無際露華光欲流西園清夜景公幹不同遊  
緬想建安盛西園飛蓋遊初筵會才雅今夕繼風流月  
伴昏星出雲隨晚吹收老生於此興不減庾荊州

詩贈提舉竇侍郎

舜卿

紫髯真將白雲卿總領琳宮道氣清蘄竹一林曾斷買  
青溪三弄得遺聲李倫自作思歸曲向秀方深感舊情  
雖恨功名非謝傳樽前更欲聽君箏

舟中別後中夕無寐偶成四十言奉寄中輝大

卿史聊致黯然之懷

史炤

五十年親友如今兩鬢霜相逢在淇澳所樂似瀟湘話  
舊如春夢聽歌放酒狂壓闌樓下別一夕九回腸

依韵謝運使陳虞部生日惠雙鶴靈壽杖

仙禽壽杖垂佳貺麗句雕章煥列星深悉至懷形善禱  
擬延西景駐顏齡

青田雙戲九臯鳴屈降仙姿入戶庭宜與衰翁為老伴  
雪毛霜鬢共星星

瑰奇擢秀從王屋靈壽傳名自漢庭仁者存心安老者  
欲扶蹇步得長寧

美幹非緣削治成挺然脩直體堅輕仙郎曲借扶持力  
使助登山蠟屐行

熙寧丙辰十一月二十八日安正堂喜雪

凍雲濃厚朔風嚴紛揉瓊霏撲綺簷斗變至和緣帝力  
迎知上瑞協人占晚歸漁市蓑衣重曉上旗亭酒價添  
更待三英同勝賞翩翩賦筆紫毫銘

雪霽金宿樓閑望偶作

盈尺初晴皓采鮮  
長空極望勢漫漫  
銅臺不憚三休上  
氷井須添一倍寒  
舟楫似從雲外過  
園林如在鑑中看  
冬來景象今才好  
未到黃昏且凭欄

詩答鄆州分公司李待制許中春寵訪

師中

念昔多聞友於今  
四紀強滯才君絆  
驥叨命我循牆二  
月芳期近三臺  
淑景長東郊望飛  
蓋原隰有輝光

謝假新舟

贈運使陳金部知儉

使艦新城泛碧瀾更陪李郭共登山

同計運李龍圖學  
首郭郎中共載

深慚一水如衣帶不稱君家舊濟川

寒食遊壓沙寺雨中席上偶作

魏公前歲朝真去

盛傳道士拜章  
見魏公于天門

寂寞闌干尚有情莫

道甘棠無異種至今留得雪香名

魏公命主僧建雪香  
亭于紫園詩刻在焉

沙路無泥地側金滿園香雪照瓊林一枝帶雨尊前看

還是去年寒食心

機宜職方見示三月十八日遊船場見許公亭



詩追惟文靖公之舊蹟輒成四十言以繼善聲

文靖居留日于茲事勝遊春塘雖有草夜壑已無舟

造船

場有藏舟澳

召伯昔所憩魏人今再修不緣從衆樂爭忍過

西州

某伏覲運使金部運判祕丞運同贊善贈長老

元師詩一首舉唱三觀圓成巨測精微但深讚

歎輒不自揆願繼善聲素昧宗乘頗慙蕪陋

此土久無臨濟嗣宗風不振至於今方當魏俗依僧室

須訪堯山禮道林東去懇邀香象駕西來頓識祖師心  
紺園變色慈雲庇蔭屋容光惠日臨理事融通周法畧  
處時同就聽潮音不分孔老為三教欲使瓶盤作一金  
得度皆欣龜值木當機盡許芥投針伽佉孤起開晨景  
運使金部  
首形歌咏伊字齊修昭瞑陰運判運句  
繼作頌言獨愧鈍根非了  
了宛同智井自沉沉願將天鉢清涼水淨洗昏眸與濁  
襟

效唐杜牧之對酒絕句

醒時忙事醉時閑隨分傾杯也破顏若使玉樓休釀酒  
春風應不到人間

追和

銷磨歲月功名內檢束身心禮法中除却高陽詩酒伴  
人間誰解惜春風

問石楠

遣使赴西洛因書問石楠栽培既已久園徑必須添

協韻

布菜應籠檻抽梢定出簷丹心與勁節無憚雪霜嚴

此木

盛冬枝杪  
生紅心

問枯

酷愛池南枯當年手自栽出藍常有望生白固難催

此木

逾百年即有白衣如粉本草謂艾納香者得地根彌固凌霜勢不摧楸梧皆

不問為爾亦凡材

書扇

莫結新情斷舊情斯言明載坐忘篇心名口誦為深戒  
祇恐迷情逐景牽

詩答致政范侍郎致政內翰侍郎榮過郊居少

駐軒馭蕪留詩詠俯賁丘樊輒次元韵

郊居誠樊陋平地見伊光適值華軒過仍當煦景長幸  
能留憩止豈敢謂高涼綠篠緣荒徑青蘿補壞墻勸耕  
周殿土問稼保斯箱處擇仁為里歸尋醉作鄉老懷從  
放達宴坐絕希望後躅承相顧交情孰可方清吟委珠  
玉雅奏協宮商似震驚群蟄如旌薦大房畏塗逢善友  
酷暑得寒漿三復勞鑽仰詞雄韵更强

運判祕丞

黃

以其自大水後久無燕集聲酒之

樂貽書問念繼以佳章輒依來韵和呈

黃革

下水闌樓張別宴別來惟是寄雙鱗近緣荒政須藩樂

趣辯輿梁為濟人

水後橋道俱壞  
朝旨督促脩治

歌罷貫珠收畫扇舞

停回雪卷文裯蓬山叔度憐勤瘁繼走郵筒惠訊頻

謝運使陳金部生日惠繡壽仙香爐合依韵和

二絕句

締繡為章古法傳刺文肖象用功專他時携去伊川塢

欲並西方瞞叟仙

伊上樊居有積慶蘭若中有范璣所畫瞞叟仙得於成都大慈寺世稱名

筆今得壽仙可為雙絕  
得非奇物有時而合耶

詩緣大雅成歌頌器自良工得範模珍重星郎為壽意

更從蘭省輟薰爐

龍圖給事使還過魏少留仙旆道舊為樂因及

北史魏收之語作為雅章輒敢繼聲聊資一曝

蘇相  
頌

劇談疊疊陪麾塵奇表堂堂對伏犀易作詩章頗有得

難為逋峭豈無稽回驅大旆龍沙北歸直清廟虎帳西

龍圖閣在資政殿西

久困土山緣直道侃然常恥病于畦

子容頃罷西掖

退為散郎奉常恭適年

路上舟中作

初致政自京還洛

詔乘巨艦濟安流聖念偏于老者優堪笑霸臣何瑣瑣

五湖歸去一扁舟

行及白馬寺捧留守相公

康國韓公

手翰且云名園例

惜好花以俟同賞因成小詩



公書苦惜春光晚  
柳絮榆錢撲面飛  
惟說名園絕奇品  
留花未發待翁歸

去歲曾吟怨別詩  
今春醉賞又參差  
洛城雖是歸來晚  
趁得姚黃正發時

留守相公

康國

寵召同賞花  
歡飲兼示雅章次

韵

洛表衡臯穀雨天  
歸來景物尚鮮妍  
喜隨便使旆尋花園  
急趁賓簪赴綺筵  
酒撥嫩醅傾綠液  
曲調新譜促朱絃

玉堂仙客應潛笑強作風情學少年

潞公文集卷六

欽定四庫全書

潞公文集卷七

宋 文彥博 撰

律詩

留守相公寵示東田讌集詩依韵和呈韓康公  
嘗同徐勉構東田花竹成陰雨後天為愛憲臺寬白簡  
得隨相府賞紅蓮清尊屢醕吟情逸紅袖頻翻舞態妍  
歸興直須三鼓盡月華況是十分圓

端午日招諸公于樊園為角黍之會獨堯夫不

至因成小詩奉呈用資一笑

范相堯夫  
時為西臺

藥餌從來多客至人情大抵見榮觀  
戴崇貪赴安昌會  
必為東田不足歡

留守相公寵賜雅章召赴東樓真率之會次韵  
和呈

朱樓華閣府園東  
蝸陋仍依美庇中  
儉幕深嚴依綠水  
楚臺高迥快雄風  
四絃清切呈新曲  
雙袖蹁躚試小童  
况是元規興不淺  
歸軒爭敢便怱怱

次韵留守相公同遊龍門

鑿開青障啟天門直漉伊流洩汝濱

舊說禹鑿龍門以洩汝海之水八

節驚濤颺振鼓千花寶塔雁翔雲巖隈雨過飛泉漲谷  
口風回墜葉紛龕穴隆穹三像列樓臺華煥兩崖分方  
陪茵旆來尋勝不就蒲飡趣茹葷北里笙竽皆擁從東  
山羅綺半酣醺升堂共覩皤仙貌策杖同尋古士墳喜  
脫貂冠親野老幸隨熊軾附邦君林巒岑寂真堪賞市  
井喧譁漸厭聞入度長川猶隱映香銷古殿尚氛氲周

生歸後蘭重佩荀令行時蕙更薰曉露未晞珠滴淚秋  
花爭發錦桃文羣娃散步塵生機小舫爭登水濺裙釣  
叟傍觀皆歎美禪師迎謁盡歡欣既無冗局羈閑迹忍  
促回軒背夕曛得向石頭溪上飲從今遂不畏移文某在  
北都累求致政時駕曹林員外以映山紅曲詞見贈尋  
答之其末章云遂請後願頻醉石樓溪口今飲于石樓  
有小娼獨得此  
曲因以佐飲

次韵留守相公住雪應時

同雲瑞雪符丘禱喜氣歡聲動洛師農事迎知春後望

時寒順應臘前期抽毫未見三英賦貴紙先傳六義詩  
賢者與民同此樂下民無復共嗟咨

次韵留守相公以羅門新渠並成喜而成詠

萬艘潭滙嘉猷里分洛疏伊盡北馳遠引駛風通越貨  
肇營勝跡在唐詩通渠中梗年滋久美利重興勢亦遲  
漕口羅門今並復相君一一投成規

知府學士

堯夫

遠寄雅章曲念衰老謹依高韵

和呈粗伸感佩之意

范相

幾年洛社盡朋簪  
照席瓊枝秀出林  
月夕同遊詩筆健  
花時共賞酒盃深  
帝綸中出榮開府  
使節西馳愴判襟  
遠寄佳章念衰朽  
知君最有歲寒心

和致政張

徽

大夫見貽之什

自愧無才濟世難  
貂蟬掛了謝朝班  
襟形散逸塵埃外  
杖履逍遙水石間  
君亦早拋華省貴  
人皆仰羨白雲閑  
湖溪聞與郊居近  
不用拈錢剝買山

送順師赴積慶院寂照菴結夏偶成二頌



結夏南歸寂照菴潛移性海入華嚴從來野寺門風拙  
頻與西堂受小茶

西堂舊有牧牛圖七祖真容列座隅雖是宗門粗淺法

從粗入細到無餘

野寺衆僧深有望  
于慈悲開悟也

### 送彌陀實師訪積慶西堂順老

好去三摩地相逢兩會家禪心究實際慧眼絕空花聞  
在東林日常烹北苑茶願將甘露味餘潤濟河沙

茶湯  
各一

角聊資  
禪話

頌寄實師順師

傳聞二禪伯共是一家風  
悟處頭頭悟通時事事通  
西堂入妙用寂照舍真空  
更有青青竹菩提法眼中

余前此二紀保釐西郊與判臺李少師及洛社諸君遊龍門飲伊上有漁者獻鰕魚十數尾因作羹鱠坐客有思鱸之興余後守魏累請休致久而未遂曾為憶鰕詩寄洛下諸賢今年秋累與諸君飲於東田池上葦間鱸魚炊香稻以佐

酒浩然有江湖是詩并錄憶鰕詩如左

元豐中留守西

京作

一尊江上思鱸酒兩首伊濱憶鰕詩今日東田遂前請

香稷綠蟻鱸紅絲

元豐甲子秋十一日

嘉祐中余尹河南與少師李公明龍圖董巨源

集賢王伯初同遊龍門漁者得鰕魚數十尾以

助杯棹飲興皆歡日月云邁幾二十年感舊念

游作憶鰕詩乃思鱸之比也

李東之董汚王起熙寧中北京作

西風一棹思鱸興  
抖擻塵纓歸舊廬  
最憶香山石樓下  
清伊深處釣寒魚

追思洛社閑遊伴  
屈指于今大半亡  
若到龍門更聞笛  
定知悲感似山陽

堯夫惠簞

使指及門傳惠賜  
蘄春薤葉水紋寒  
相君鼎意多兼濟  
欲使炎天老者安

清明日玉津園賜宴即席

元豐七年

節應桐華始筵開禁苑新推恩緣舊物如惠及陳人衆  
樂聞天奏同寅會柄臣蘭有享豐潔桂醑醕芳醇覆育  
需雲廣涵濡湛露均桑榆垂晚景何路報堯仁

西歸日瓊林苑賜宴即席

竊祿叨榮四紀餘退思僥倖亦無如趨朝再覩新宮省  
解綬還歸舊里廬報國丹心明皎皎戀軒疲足去徐徐  
羣公盡出都門祖盛事光於漢二疎

臣得請致政赴闕謝恩脩覲禮成回歸西洛感

恩戀聖情激于中謹成五言十二韵詩一首齋  
沐繕寫上進

遭時方筮仕涉道未逢原四紀叨榮祿三朝忝重恩  
華顛固一節厚載託孤根得謝緣矜老求全愧達尊  
懋官非尚德進秩玷維垣海納推涵育天容示保存  
賜筵臨黼座別旨醕金罇獻替窮詞拙詳延玉色溫  
雲章訓深厚日接寵便蕃穆穆辭宸扆遲遲去國門  
戀深惟有涕感極却無言誓竭忠勤志書紳戒子孫

臣伏蒙聖恩今月二日就瓊林苑特遣中使寵  
賜御詩仰味聖言恭披宸翰曲推恩禮過獎愚  
臣感愧之深負荷弗克輒課愚陋恭和聖製

老臣為感聖恩殊趣治輕裝覲帝居錫宴便藩親鳳宸  
賜章重疊捧龜書康時有志才終短報國無功術已疎  
身在洛陽心魏闕願傾丹懇上公車

次韵留守相公

韓康國

光和運使度支

陳詩

今古雖殊事不殊古今賢相事相符昔惟晉國今康國

皆自西都鎮北都

麻制有卧護北門  
予喜裴度之老

奕葉公臺緣世濟

累朝名德與功俱鎔成九鼎歸良治玉季金昆動一鑪

送圓明大師歸吳興

數曲清琴達舜聰  
瑶津仙苑助薰風  
朝端多士知音久

雪上故棲歸思濃

協韵

命服鮮華新爛熳  
行裝輕簡舊

焦桐鄉人若問大檀越  
盡在食經千部中

某再獲謝事歸老洛師留守相公

王汝

寵惠台

什過形獎予謹達來貺



二聖恩深念老臣許從休退樂伊濱重觀景物皆塵迹  
喜見居留是故人林下放懷無檢束尊前道舊長精神  
公難久作東田伴却作黃樞秉化鈞

留守相公寵示喜雨雅章曲有推借謹抒鄙意  
上答

嵩雲累晝結層陰一夕霽霓濟物深稼穡首資千畝藉  
焦勞頓釋兩宮心高臺便有涼風至奧室全無暑氣侵  
利澤定知均率土保釐再起作商霖

留守相公

玉汝

疊惠雅章過形獎借弟以老乏

才思難以繼聲輒以二十八言為謝

薦捧佳章頻歎服洋洋盈耳類鏘金老昏拙澁無才思  
勉強難為繼大音

余於洛城建春門內循城得池數百畝其池乃  
唐之樂園因學徐勉作東田引水一支灌其中  
歲月漸久景物已老喬木修竹森然四合菱蓮  
蒲芰于沼于沚結茅構宇務實去華野意山情

頗以自適故作是詩

引得清伊一派通三灣相接勢無窮便成渺渺江湖趣  
更有蕭蕭蘆葦風西洛故年為勝地東田今日屬衰翁  
藥園事迹分明在盡見雲卿舊記中

唐沈佺期雲卿藥園記東田乃其舊

地

遊東田八韵

文物平津閣風流太傅山勝遊松島外故迹藥園間霜  
節編為屋寒荆刈作闌窻櫺雲漠漠畦竇水潺潺蘆渚

炊烟起萍漚釣艇還竹經朝雨翠荷借夕陽殷幽興能  
招隱高情自愛閑從來行樂處攜手一開顏

與之珍朝議

慕容  
伯才

秋日東田觀魚擲餅水中魚

食者衆

觀魚雖是樂莫作羨魚心退而能結網所得過千金  
垂鈎與施食乃是兩般心莫作魯人意公張取百金  
鳬鷗兩閑暇知我無機心躍淵宜自在直莫上鈎金

前日蒙留守相公

王汝

延飲于中和新堂仍別

設氊帳欲令羸老暫憇翌日小娃已傳其說輒  
成小詩

新堂仍設舊青氊欲使劉伶暫醉眠何似竒章南澗上  
別開一室待焦先

留守相公

王汝

於中和堂之西偏別設氊帳以

待老夫中憇嘗以拙詩為謝尋蒙荅貺仍改題  
所憇為醉眠菴不任感戴輒依高韵和呈

中和堂飲夜厭厭逸客裁冠欲墮簪深荷相君憐老意

改題羶幄醉眠菴

留守相公

玉汝

寵示嘉篇有棠陰舊游之句過

獎難當輒敢和呈

曹酒清醇飲易酣接離倒着不須簪  
甘棠舊憇人無咏  
何似退歸伊上菴

再和留守相公

玉汝

惠雅章

蝸舍歸來多閉戶貂冠掛了不留簪  
每登丞相潭潭府  
常憇西廂大隱菴

再和留守相公繼示雅章

兩兩台符世仰瞻  
高懷冲淡厭華簪  
經綸器業時方賴  
難遂南陽卧草菴

送留守相公

康國韓公歸闕

尊前不制淚洄瀾  
大底人情老別難  
東閣賓朋漸分散  
西都風景便闌珊  
惟憑魚鴈通書問  
祇對松筠想歲寒  
公袞還朝副公望  
永將天下置之安

次韵致政中散

荀龍

寵惠雅章

承枉安車訪益津披雲喜覩舊風神昔年友會心相契  
今日朋從意轉親華髮並蒙難老福清尊莫作獨醒人  
高門積慶簪纓盛世上尊榮孰比倫

致政中散

荀龍

連惠三篇俯光衰老輒亦依韵

和呈再鼓羸師其氣已竭止希一覽而弃之可  
也

郢樓高唱麗陽春重疊三章妙入神席上縱歡殊不倦  
尊前道舊轉相親故交共是休閑客令子今為輔弼人



河內仙居頗優逸風流雅尚有誰倫

河陽寄留守相公

堯夫

甃別熒煌座初為半月期洛城歸意切不獨為花時

次韵留守相公

堯夫

促令歸洛

自古錦城雖可樂猶言不若早還家三城爭似洛城樂  
只是安仁一縣花

謝留守相公

堯夫

惠書及詩意愛勤重

河陽滿縣花稱好仰望三川難比肩留鑰惠詩鏘玉振

采毫洒墨燦星聯尊前畢集鄒枚客舟上同登李郭仙  
伊叟依劉心更切柴車促駕即言還

雨後全無京洛塵名園勝景足遊人東田兼有春隸探

來就三城報得春

昨日東田吏來獻探  
春隸且言花已盛開

題河陽太師堂二首

自別三城十九年重來舊迹總依然  
鯉庭兼是魚符守  
戲綵承顏慰目前

河橋洛宅近相望三月花時日又長  
暨暨安居來子舍

為我特啟太師堂

游花市示之珎

慕容

去年春夜游花市今日重來事宛然  
列肆千燈爭閃爍長廊萬藥鬪鮮妍  
交馳翠憶新羅綺迎獻芳尊細管絃  
人道洛陽為樂國醉歸恍若夢鈞天

題伊叟菴二首

伊南積慶  
墳院北菴

斯干室上上方北巖伴自為伊叟菴  
每到庵中須熟寢覺來惟共老僧談

此菴菴北望伊堂南望伊川極目長更有箕山并潁水  
連延直入挂瓢鄉

清明後同秦師端明會飲於李氏園池偶作  
曾寬

洛浦林塘春暮時暫同游賞莫相違風光不要人傳語  
一任花前盡醉歸

賢大師以諸巨公畫像見示傳神寫照曲盡其  
妙兼丐拙詩輒成一首奉呈

用志專精妙入神援毫肖象奪天真能將繪素傳奇表  
似與公侯結勝因婁德高僧通夙命王維善畫記前身  
師緣素習今生悟曾寫雲臺四七人

題郭熙畫樵夫渡水扇

淺水深山一徑通樵夫涉水出林中可憐畫筆多情思  
寫在霜紈一扇風

經畧大觀文相公

堯夫

寄示東田別後一篇謹

次元韵

范時尹  
太原

出處交遊數十年故情勤重見矜憐東田屢涉求羊徑  
西洛頻陪李郭仙四路連城歸節制萬兵開府杜威權  
雅章垂貺尤奇絕走筆如風似湧泉

次韻留守相公

玉汝

以某赴東庄特賜佳篇

東郊瘠土纔千畝繞舍團椒僅百家地接玉泉多草木  
路經緱嶺少風沙能留過客雖無餌時對清罇亦有花  
昔日相君曾降顧常憂蝸陋不容車

賀經畧太尉相公

玉汝

移鎮太原

國節移前晉階符應列星新開大幕府衆號小朝廷風  
偃殊鄰服威加絕塞寧歸來煙閣上肖象炳丹青

北首并州路旌幢擁畫輪萬兵嚴後從百吏拜前塵漢  
相儀刑重堯風氣俗淳政成期月報四海望鴻鈞

將軍號令柳營傳緩帶投壺自造然一片笙歌聞四面  
晉公舊事在龍泉

晉陽襦袴歌來暮洛宅衣冠動去思若到參墟念嵩少  
北園南望下樓遲

憶東溪

近得洛信云東溪水漲舟行頗駛

常憶東溪溪上坐相從惟有野僧來可憐鷗鳥知人意

料得無機總不猜

北京作

某以端居多暇懷洛城詩伏蒙運使兵部俯垂

屬和拙詩伸謝

吳審豐

倦翼念歸林幽懷動越吟更回谿叟信深契野雲心巴里傳高唱英韶繼善音便須傳洛社紙價重千金

運使兵部以某馳想林泉拙詩言志薦承屬和



曲有褒嘉今復致謝

為憶伊川塢因成洛社吟永言聊見志真賞得知心  
繡頻加飾夔牙屢振音傳家同祕寶不啻滿籛金

運使兵部見采拙詩四沐繼和唱者已竭而答  
者無窮內省小巫敢當大敵既難收合餘燼願  
為城下之盟

引玉纔三唱投珠已四吟

出荒拙者三蒙屬和者四

一鈞皆協律

並蒙

次韵見和

六義盡同心巨浸傾無竭洪鐘叩有音鼓行君正

勇怯者願聞金

元師遷化其徒得舍利供於天鉢因作四十言  
讚歎既而得殿省蘇承詩又增十字

師今順寂去所寂竟如何  
脩爾歸無物湛然同太虛  
化成三昧火超出四禪居  
方悟祇園法又勝漆園書  
蘇君善知識言詩更起予

令弟堅官滿歸京偶成四十言代書寄判武學  
顧學士畧資一噓

多年判武學未改舊官銜有意將投閣無人為解驂師  
資盡韜畧况味極蘊鹽聞說鱸魚好歸心風滿帆

蒙惠咸陽水梨極佳快

陶隱居謂梨為快果

太原鳳棲梨

少許納上非報也欲校其味耳

呂大忠運使惠

鳳棲佳果玉漿寒馬乳龍鬚味一般

太原蒲桃名重天下

未敢便

教充釘坐更將冰蜜校量看

咸陽有冰蜜之名

承荅詩披覽歎服無已今復和呈資一噓而已

藥錄雖稱性味寒滌煩功效有多般從來御宿佳名著

豈與西沙一例看

魏人謂歷沙為西沙

承惠梨栗前詩止及梨今并及之荒詞喧黷又

增戰慄

盈簪始自終南采魚量初從御宿般寄到鄴城人未識  
阿道欣躍已先看

承惠鰕白魚蛤蜊仍以佳章見示并深珍感輒

依來韵奉和且申致謝之意

河北運使郭民憲考功惠

多魚見饋逾雙鯉異味兼常過八珍更使伊賓垂釣手

轉思江上鱸人

望月懷珠重紫唇  
隔牆聞賣已稱珍  
奩收篋貯承佳惠  
深濟顏山病酒人

偶書荅岐守吳卿

幾復

北京作

君說歸期未有期  
西風又是鱸鱸時  
何當會集香山伴  
同赴松牕燭下棋

東溪奉送景仁內翰歸東都三首

君自東都至西洛  
風光相賞不相違  
瑞雪承露從頭看

看到桃黃興盡歸

暮春脩禊洛川遊絲管隨登李郭舟仲損昌言俱未至

凝眸東望不回頭

張仲損  
張昌言

送君東至伊東塢東望青嵩與白雲又向嵩雲更東去  
花前把酒惜離羣

頌送天鉢長老

若冲

北京作

江吳行化久法眼衆推尊不憚南來遠緣從北請煩潮  
音振祖道朔土闢宗門有授傳高弟無遮接下根慈航

拯羣溺慧日破重昏老守心迷鈍求師示一言

五老會詩

元豐三年九月

范鎮內翰

張宗

益工部

張問諫議

史炤大卿

四箇老兒三百歲當時此會已難倫如今白髮將河叟  
半是清朝解綬人喜向園林同燕集更緣尊酒長精神  
歡言預有伊川約好作元豐第四春

為來歲  
張本

耆年會詩

富公第一

太師

第二 共十二人

九老唐賢形繪事元豐今勝會昌春垂肩素髮昏時彥  
揮麈清談盡席珍染翰不停詩思健飛觴無美酒行頻

蘭亭雅集誇脩禊洛社英遊貴序賓自愧空踈陪几杖  
更容款密奉簪紳當筵尚齒尤多幸十二人中第二人

再酬富公一絕

洛下衣冠今最盛當年尚齒禮容優惟公福壽并勲德  
合是人間第一流

次韵秦師經畧呂通議過洛少留

喜過西都暫解鞍尊前不惜醉醅顏推襟道舊從容久  
落筆詩成傾刻間塞外定知威令肅幙中常得雅歌閑



相門出相歸人望  
瑣闥難淹侍從班

家園花開與陳大師飲茶全賞呈伯壽劉正叔

楚昌言

張

今朝自賞家園花  
濃艷繁英粗可誇  
外監上坡俱不至  
紫團仙客共烹茶

近以洛花寄獻齋閣蒙賜詩五絕  
褒借輒成五

篇以荅來貺

寄酌洛陽曾  
端明孝寬

左魏牛黃數十枝  
洗粧添色又新奇  
金刀剪送三城去

聊助山翁宴習池

謂陳園也

山翁為賞落花奇采筆連揮五絕詩口沫手胝頻捧讀

蘭亭醉墨尚淋漓

舊說河陽滿縣花安仁當日頗矜誇洛城花品雖奇絕

多出尋常百姓家

朱輪大旆行春樂濟上山陽景物佳莫美洛城花品好

三城本自有朱砂

朱砂紅洛中奇品陳園亦有之

後園不見栽桃李舊尹無能可自知縱便當時曾手植

經今十載亦凋衰

來書云益之後園尋常桃李亦鮮

聞近有真率會呈提舉端明

司馬

近知雅會名真率率意從心各任真顏子簞瓢猶自樂  
庾郎鮭韭不為貧加籩只恐勞煩主緝御徒能困倦賓  
務簡去華方盡適古來彭澤是其人

是詩也率爾而作斐然而成雖甚鄙

拙亦有希真之意焉

提舉端明寵示三月三十日雨中書懷包含廣

博義味精深詞高韵險宜其寡和輒次元韵

春光垂欲盡夏景漸增添鬱鬱松篁茂蕭蕭風雨兼花  
心隨絮落屐齒被苔粘巧囀鶯遷木驚飛燕入簾蝦鬚  
穿曲沼虎爪度前簷坐久香銷炷吟多費筆尖雲容方  
靄靄日色未炎炎舞鶴傾丹頂游龜散綠髯命賓常務  
率出令更須嚴詩咏當堦樂書尋傍架籤蘭芬衣可襲  
露潤草俱沾貴近辭金馬編修賜玉蟾高懷惟自適獨  
樂未嘗厭赤白曾諮丙丹青每誚閤冲和緣養浩寂寞  
為安恬身處貧無愧心貪道不廉成文推大手濟用鄙

輕纖視履循清節祈恩陋雜占聞韶欣鳳舞在漆愛魚  
潛鱸膾思魚艇貂冠望酒帘聖時非吏隱賢業繫民瞻  
撫事惟公論摘辭乃自謙保躬誠易退康世義難淹類  
句慙無取酬言幸不嫌

奉陪伯溫中散

程

伯康朝議

司馬

君從大夫

席

於所居小園作同甲會

四人三百十二歲況是同生丙午年招得梁園同賦客  
合成商嶺採芝仙清談疊疊風生席素髮飄飄雪滿肩

此會從來誠未有洛中應作畫圖傳

子山朝奉倅汝陰過洛訪別求詩

陳安壽

鄴下才名同七子六年開幕得嘉賓

子山前位大名使幕六年老拙所賴

屈從潁水投餘刃合去甘泉作從臣素以潘陽敦信睦  
仍於洛益得仁鄰士元驥足難羈絆即見康衢勢絕塵

留守相公和提舉端明作三壽公字韵詩輒繼

前韵

三川開盛府萬鎰主離宮雪苑延梅叟湖園奉晉公因

依念有素出處幸多同雅會歡言意今推前輩風

右紀留守相公

韓康公

千載親逢聖三槐位忝公周行遙鷁鷺渭水愧羅熊致  
主曾無術康時豈有功台文形雅咏褒假過優隆

右自述并謝留守相公

春色滿伊嵩春花拆萬紅欣逢翰林主還訪玉壺公聽  
賞吹簫鳳陪隨飛蓋鴻尊前忍輕別樂事轉頭空

右景仁內翰

水軒深夜響花寨爆春紅中有羣書府恬然獨樂公清  
吟如唳鶴高翥若冥鴻汗簡猶多費時聞索屢空

右君實端明

承伯壽大蓬惠書寄大小鉢囊花并語及敝居  
松下石上之飲因成二小詩

片石長松時下有青山綠水覺來無姚黃賞盡東歸去  
六六峯前會酒徒

大小鉢囊花色好不知得似此間無玉華峯下應頻賞



綺里園中是飲徒

次韵留守相公洛中金橘

嘉實本從南地產移栽洛土結成時  
踰淮未必全為枳  
方信中邦物物宜

北都留守相公

韓

以其頃守魏都粗脩齋舍特

加標榜仍示雅章謹依高韵

載守銅壺踰八歲漸營涼室與溫房  
踈簾夏捲清風閣  
密幄冬褰愛日堂  
牕靜坐聞松竹韵  
徑深行襲蕙蘭香

已慙必葺非宏麗更愧佳章比名棠

贈國信畢少卿

仲衍前作  
北京僉判

北京作

鄴下當推七子才  
兔園賓客重鄒枚  
三千里外出疆去  
四五年前點頰來  
將幙未歸慙老大  
使旌重到喜追徘徊  
朔風不度龍沙遠  
只向雲中講信回

荅龐相家園雖陋春物向榮日異相車時枉遊  
覽未蒙寵降承貺佳章謹次嚴韻

一廬幽趣斗城西  
竹映軒窗柳拂堤  
園吏每誇風物美

主人常歎簿書迷碧池荷動觀魚戲朱檻梧傾待鳳棲

惟願毗耶長者至莫憂花裏有鶯啼

公初還致政有詩云毗耶長者入街

初又樂天有惟憂花裏鶯餽古之句

題龍門奉先寺興禪師房

元豐三年十月時自判北京移西京十月

赴積慶墳回作

伊叟已先至興公猶未歸憑高東北望一片白雲飛

偶書扇面

人生七十古來希老境來侵老病隨自笑愚年垂九十

也須漸愧耳聾遲

潞公文集卷七